



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput I. Ex Concilio apud (a) Compendium.

[urn:nbn:de:hbz:466:1-74526](#)

TITVLVS XLIII.

De Presbytero nondum baptizato.

C A P U T I.

Ex Concilio apud (a) Compendium.

Si quis presbyter ordinatus deprehenderit se non esse baptizatum, baptizetur, & sacerdotum ordinetur.

N O T A E.

1. (a) **C**ompendium.] Ita etiam legitur in prima collectione, sub hoc tit. cap. 1. & apud Burchardum lib. 4. Decreti, cap. 74. Ixonem Carnot, part. 1. Decreti, cap. 268. Gratianum in cap. si quis 60. 1. quæst. 1. & meminit Innocent. III, infra, in cap. veniens: id est in Synodo habita in palatio Regis Caroli apud Compendium. Unde textus hic reperitur inter Capitularia Caroli lib. 6. cap. 93. in hac verba: *Si quis presbyter ordinatus deprehenderit se non esse baptizatum, & ordinetur iterum, & omnes, quos prius baptizavit. Illa autem verba: Et omnes, quos prius baptizavit, justè omituntur in præsenti a Raymundo, licet a Decretistis referantur; quia baptizatus non accipit gratiam à ministro, sed ab ipso sacramento; ideo à quoconque, etiam Judæo, vel Pagano administratus, dum sub debita, & legitima forma, & cum intentione faciendo quod Ecclesia facit, iterari non debet: quod & cau-*

tum video in ipsis Capitularibus lib. 5. capitulo 44: ibi: *Si quis baptizatus est a presbytero non baptizato, & sancta Trinitas in ipso baptismo invocata fuit, baptizatus est, sicut Sergius Papa dicit impositione vero manus indiget. Gregorius Episcopus Roman. & Joannes Sacellarius sic sententia Ubi pro Gregorio legendum est, Georgius, ut in ipso Concilio Compendienti habetur. Gregorius hic, & Joannes Sacellarius fuerunt Legati Stephani Papæ ad Pipinum, quorum ipse Stephanus meminit in epistola 3. Codicis Carolini, quem edidit Gregorius. Underecte Raymondus omisit in præsenti ea verba: Et omnes, quos ipse baptizavit. Quia illi nullo modo sunt rebaptizandi, ex proximè dictis; immò omnia gesta ab ipso Presbytero non baptizato, ob publicam utilitatem sustinentur, argumento textus in L. Barbaris, de officio Pretor.*

Commentarium hujus textus dabimus infra, cap. 3.

C A P U T II.

Innocent. III. Episc. (a) Cremonensi.

Apostolicam Sedem consulere decrevisti. Et infra: Inquisitioni tua taliter respondemus: Presbyterum, quem sine unda baptismatis extremum diem clausisse significasti, quia in sanctæ matris Ecclesiæ fide, & Christi nominis confessione perleveravit, ab originali peccato solutum, & coelectis patræ gaudium esse (b) adepsum assentamus incunctanter. Lege super octav. lib. August. de (c) civit. Dei, ubi inter cætera legitur: Baptismus invisibiliter ministratur, quem non contemptus religionis, sed terminus necessitatis excludit. Librum etiam (d) D. Ambrosii de obitu Valentinianni, idem afferentis revolve. Sopitis igitur quæstionibus Doctorum, Patrum sententias teneas, & in Ecclesia tua juges preces, (e) hostiasque Deo offerri jubeas pro presbytero memorato.

N O T A E.

1. (a) **C**remon.] Ita etiam legitur in prima collectione, sub hoc titul. cap. 2. sed ut notavit Ant. Augustin. in notis ad hunc textum, legendum est, Innocent. III. nam Decretales epistolæ Innocentii III. tantum reperiuntur in tercia aut quarta collectione, juxta ea, quæ adduxi in appa-

ratu ad hæc commentaria. Innocentius II. antea Gregorius dictus, monachus Benedictus, electus fuit in summum Pontificem die xiv. Februario anno 1130. ut referunt Baronius, & Coriolanus in eodem anno, Ludovic. à S. Carolo in Biblioth. Pontif. lit. I. Cremonæst in plaga occidentalí, climate septimo, ac regione salubri gaudet; sed protendens oblique in longitudinem à Me-